



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e-mail: info@voda.ba

Broj: **UP-1/21-2-40-595-12/22**

Datum: **23.10.2023. godine**

«Agencija za vodno područje rijeke Save» Sarajevo, rješavajući po zahtjevu pravnog lica JP AUTOCESTE FBiH d.o.o. Mostar za donošenje rješenja o vodnoj saglasnosti za regulaciju rijeke Bosne u naselju Nemila, grad Zenica, na osnovu člana 121. stav (3) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99 i 61/22) donosi

ZAKLJUČAK **o odbacivanju**

Odbacuje se zahtjev pravnog lica JP AUTOCESTE FBiH d.o.o. Mostar za donošenje Rješenja o vodnoj saglasnosti za regulaciju rijeke Bosne u naselju Nemila, grad Zenica koju je potrebno izvesti u sklopu izgradnje autoceste na koridoru Vc, dionica Nemila-Vranduk, a zbog nepotpunosti dokumentacije i smatra se kao da nije ni podnesen.

Obrazloženje

Pravno lice JP AUTOCESTE FBiH d.o.o. Mostar obratilo se ovoj Agenciji sa zahtjevom za izdavanje vodne saglasnosti, zaprimljenim 31.10.2022., za regulaciju rijeke Bosne u naselju Nemila, grad Zenica koju je potrebno izvesti u sklopu izgradnje autoceste na koridoru Vc, dionica Nemila-Vranduk.

Uz zahtjev nije dostavljena dokumentacija koja je propisana članom 8. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) te je dopisom broj: UP-1/21-2-40-595-2/22 od 08.11.2022., zatražena dopuna dokumentacije neophodne za vođenje upravnog postupka od strane ove Agencije. Ostavljen je rok od 30 dana od dana prijema dopisa. Tražena dokumentacija se odnosi na Rješenje o urbanističkoj saglasnosti za uređenje korita rijeke Bosne ishodovanu od nadležnog organa.

Dana 14.12.2022. godine, JP AUTOCESTE FBiH d.o.o. Mostar se obratilo sa zahtjevom broj: 05-7522-2/22 od 14.12.2023. godine za produženje roka za dopunu dokumentacije, što je i odobreno dopisom broj: UP-1/21-2-40-595-4/22 od 20.12.2022. godine. Ostavljen je rok za dopunu od 30 dana od dana prijema dopisa.

Kako podnosilac zahtjeva nije dopunio svoj zahtjev, niti se očitovao o razlozima ne dostavljanja tražene dokumentacije, to je urgencijom broj: UP-1/21-2-40-595-5/22 od 20.02.2023. dat novi rok za dopunu dokumentacije, odnosno 20 dana od dana prijema urgencije.

Dopisom broj: 05-7522-5/22 od 08.03.2023. godine, zaprimljenim u ovu Agenciju 28.03.2023. godine, Investitor je ponovo tražio produženje roka za dopunu dokumentacije, što je i odobreno dopisom broj: UP-1/21-2-40-595-7/22 od 28.03.2023. godine. Novi rok je 30 dana od dana prijema dopisa.

Podnosilac zahtjeva je tražio novo produženje dopisom broj: 05-3748/23 od 27.04.2023. godine, zaprimljenim u ovu Agenciju 11.05.2023. godine. Cijeneći razloge navedene u dopisu, ovaj organ je, dopisom broj: UP-1/21-2-40-595-9/22 od 18.05.2023. godine, još jednom ostavio rok od 30 dana od dana prijema dopisa za dopunu dokumentacije.

Novim dopisom broj: 05-7522-7/22 od 19.07.2023. godine, zaprimljenim u ovu Agenciju 27.07.2023. godine, Investitor je ponovo tražio produženje roka za dopunu dokumentacije, što je i odobreno urgencijom broj: UP-1/21-2-40-595-11/22 od 28.07.2023. godine. Novi rok je 30 dana od dana prijema urgencije.

Kako podnosioc zahtjeva nije dopunio svoj zahtjev do ostavljenog roka, kao ni do dana donošenja ovog Zaključka, to je u skladu sa članom 121. stav (3) Zakona o vodama i člana 218. stav (2) Zakona o upravnom postupku riješeno kao u dispozitivu ovog zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.grad.

Dostaviti:

- JP AUTOCESTE FBiH d.o.o.
Ul. Adema Buća br. 20, 88000 Mostar
- AVP Sava, ISV-vodna knjiga
- ☉ Sektor 40 - arhiva
- Oglasna ploča - AVP Sava